

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI ISNIN, 9 OKTOBER 2023, PUKUL 10.00 PAGI

Bil. 49

PERTANYAAN-PERTANYAAN BAGI JAWAB LISAN

1. PR-1523-L21116
Datuk Seri Johari bin Abdul Ghani [Titiwangsa] minta **MENTERI KOMUNIKASI DAN DIGITAL** menyatakan apakah status pembangunan rangkaian 5G setakat ini dan berapa jumlah langganan yang telah diterima menerusi perkhidmatan rangkaian 5G.
2. PR-1523-L22099
Dato' Seri Hamzah bin Zainudin [Larut] minta **PERDANA MENTERI** menyatakan inovasi baharu Ekonomi MADANI yang berbeza dengan Dasar Wawasan Kemakmuran Bersama 2030 bagi menjayakan sasaran meletakkan Malaysia di kedudukan 30 ekonomi terbesar dunia dengan mengambil kira persekitaran global serta cabaran semasa dan mendatang.
3. PR-1523-L21294
Dato' Sri Doris Sophia anak Brodi [Sri Aman] minta **MENTERI PERDAGANGAN DALAM NEGERI DAN KOS SARA HIDUP** menyatakan strategi dan usaha terkini pihak Kementerian dalam mengawal kenaikan mendadak harga barang khususnya barang keperluan utama rakyat sejak akhir-akhir ini.
4. PR-1523-L22217
Datuk Seri Takiyuddin bin Hassan [Kota Bharu] minta **PERDANA MENTERI** menyatakan :
 - (a) garis masa dan langkah Kerajaan dalam melaksanakan pemisahan kuasa Peguam Negara dan Pendakwa Raya; dan
 - (b) berapa anggaran implikasi kewangan yang diperlukan bagi melaksanakan polisi ini.

5. PR-1523-L21560
Puan Teresa Kok Suh Sim [Seputeh] minta **MENTERI KOMUNIKASI DAN DIGITAL** menyatakan berapa aduan tentang penipuan pengubahsuaian (*renovation scam*) telah diterima oleh pihak SKMM dan berapa laman web yang terlibat dalam *scam* pengubahsuaian tersebut telah diambil tindakan oleh SKMM. Apakah langkah yang akan diambil oleh SKMM untuk menangani kes-kes penipuan pengubahsuaian.
6. PR-1523-L22166
Datuk Seri Dr. Ronald Kiandee [Beluran] minta **MENTERI LUAR NEGERI** menyatakan apakah halangan Kerajaan untuk mengklasifikasikan perjanjian sempadan maritim Malaysia-Indonesia yang di tandatangan baru-baru ini.
7. PR-1523-L21637
Tuan Syed Ibrahim bin Syed Noh [Ledang] minta **MENTERI PERTAHANAN** menyatakan adakah Kerajaan mempertimbangkan cadangan-cadangan pelaksanaan semula Program Latihan Khidmat Negara (PLKN) sebagai satu inisiatif di bawah Kementerian.
8. PR-1523-L22269
Dr. Siti Mastura binti Muhammad [Kepala Batas] minta **MENTERI PEMBANGUNAN KERAJAAN TEMPATAN** menyatakan :
 - (a) senarai secara terperinci projek perumahan awam yang terbengkalai di seluruh Malaysia; dan
 - (b) selain tindakan saman, apakah garis panduan yang boleh dibuat oleh pembeli-pembeli terhadap projek perumahan awam yang terbengkalai ini.
9. PR-1523-L22126
Tuan Syahredzan bin Johan [Bangi] minta **MENTERI BELIA DAN SUKAN** menyatakan langkah-langkah Kementerian untuk memberi sokongan kepada pembangunan e-sukan (*e-sports*) di peringkat akar umbi/tempatan, daerah dan negeri bagi mencungkil dan memupuk bakat baru dalam sukan ini.
10. PR-1523-L22373
Dato' Seri Dr. Shahidan bin Kasim [Arau] minta **PERDANA MENTERI** menyatakan jumlah dan lokasi Pusat Pemindahan Sementara (PPS) kekal yang telah berjaya dibina berikutan pengumuman Timbalan Perdana Menteri, Datuk Seri Dr. Zahid Hamidi pada 31 Januari 2023 bahawa Kerajaan akan membina Pusat Pemindahan Sementara (PPS) kekal di lokasi yang sentiasa mengalami banjir di seluruh negara.

11. PR-1523-L21883
Tuan Jimmy Puah Wee Tse [Tebrau] minta **MENTERI SAINS, TEKNOLOGI DAN INOVASI** menyatakan langkah Kementerian untuk mengawal dan memantau penggunaan teknologi Artificial Intelligence (AI) yang dilihat semakin meluas supaya dapat memastikan ianya dapat beri manfaat positif dalam kehidupan rakyat Malaysia.
12. PR-1523-L22618
Datuk Wan Saifulruddin bin Wan Jan [Tasek Gelugor] minta **MENTERI KOMUNIKASI DAN DIGITAL** menyatakan senarai terperinci setiap satu portal dan akaun media sosial yang telah disekat sehingga sekarang, sebab-sebab ianya disekat, berapa lama dan sehingga bilakah sekatan dikenakan.
13. PR-1523-L22051
Datuk Seri Dr. Haji Dzulkefly bin Ahmad [Kuala Selangor] minta **PERDANA MENTERI** menyatakan kesediaan meluaskan kemudahan pengundi-pengundi yang berada di luar negeri mereka untuk mengundi secara undi awal atau undi pos bagi meningkatkan peratus keluar mengundi dalam mana-mana pilihan raya.
14. PR-1523-L22592
Tuan Mohd Nazri bin Abu Hassan [Merbok] minta **PERDANA MENTERI** menyatakan Program Kesejahteraan Rakyat dan Pembasmian Kemiskinan melalui sistem eKasih semua Kementerian, Kerajaan Negeri dan pejabat daerah sebagai saluran bantuan kepada kumpulan sasar. Sejauh manakah pelaksanaannya di Parlimen Merbok.
15. PR-1523-L22207
Tuan Yuneswaran A/L Ramaraj [Segamat] minta **MENTERI BELIA DAN SUKAN** menyatakan bagaimana penganjuran hari sukan sekolah secara percuma di Stadium Nasional Bukit Jalil berupaya dijadikan sebagai pendekatan strategik kepada mana-mana badan pengendali sukan tanah air untuk mengenal pasti bakat seseorang atlet pelajar yang berpotensi untuk diketengahkan sebagai atlet negara masa hadapan.
16. PR-1523-L22356
Tuan Ahmad Tarmizi bin Sulaiman [Sik] minta **MENTERI LUAR NEGERI** menyatakan tindakan susulan Wisma Putra terhadap bantahan diplomatik kepada China berhubung Peta Standard China Edisi 2023 yang meliputi kawasan maritim Malaysia yang secara terang mencabar kedaulatan kawasan maritim Zon Ekonomi Eksklusif (EEZ) Malaysia berhampiran Sabah dan Sarawak.

17. PR-1523-L21133
Dato' Mohd Isam bin Mohd Isa [Tampin] minta **PERDANA MENTERI** menyatakan keupayaan dan keberkesanan Pusat Respons Scam Kebangsaan (NSRC) untuk memerangi jenayah penipuan dalam talian atau *scam* yang tiada kesudahan sehingga berani menggunakan nama agensi dan jabatan Kerajaan dalam modus operandi mereka.
18. PR-1523-L22415
Dato' Sri Dr. Haji Ismail bin Haji Abd. Muttalib [Maran] minta **MENTERI PEMBANGUNAN KERAJAAN TEMPATAN** menyatakan berapa banyak peruntukan yang telah disalurkan kepada pembangunan Kampung Baru Cina di seluruh negara dan apakah rasionalnya pengurusan Kampung Baru Cina ini masih dikekalkan.
19. PR-1523-L21435
Tuan Lim Guan Eng [Bagan] minta **MENTERI SAINS, TEKNOLOGI DAN INOVASI** menyatakan sama ada dasar tenaga penjana nuklear telah berubah untuk dibenarkan memandangkan Kementerian bercadang meningkatkan penggunaan teknologi nuklear daripada 20% dan pelaburan industri bernilai RM1 bilion masakini kepada 40% bernilai RM2.4 bilion pada 2030. Apakah kaedah peningkatan.
20. PR-1523-L22168
Tuan Wan Razali bin Wan Nor [Kuantan] minta **PERDANA MENTERI** menyatakan bilangan jemaah haji bagi tahun 2023 yang dibayar subsidi dan bilangan jemaah haji dengan kuota rayuan.
21. PR-1523-L22393
Tuan Chong Zhemin [Kampar] minta **MENTERI PEMBANGUNAN KERAJAAN TEMPATAN** menyatakan akta khusus untuk pembangunan semula bandar dan apakah mekanisme untuk mempertahankan hak dan memberi pampasan yang secukupnya kepada pemilik rumah.
22. PR-1523-L21937
Dato' Haji Mohd Suhaimi bin Abdullah [Langkawi] minta **MENTERI BELIA DAN SUKAN** menyatakan pelan Kementerian bagi memastikan kelancaran penganjuran Le Tour de Langkawi (LTdL) termasuk aspek penajaan untuk tahun-tahun akan datang susulan tindakan Kesatuan Berbasikal Antarabangsa (UCI) untuk menyenaraikan semula LTdL 2023 dalam kalendar badan induk tersebut tahun ini.

23. PR-1523-L21238
Dr. Kelvin Yii Lee Wuen [Bandar Kuching] minta **MENTERI BELIA DAN SUKAN** menyatakan tentang pelan dan rancangan Kementerian secara terperinci untuk program Rakan Muda di seluruh negara dan juga pemeraksanaan pendidikan politik di kalangan belia.
24. PR-1523-L21691
Kapten Azahari bin Hasan [Padang Rengas] minta **MENTERI PEMBANGUNAN KERAJAAN TEMPATAN** menyatakan langkah-langkah yang diambil bagi menyelesaikan isu banjir kilat di Parlimen Padang Rengas dan adakah Kerajaan akan menyediakan peruntukan bagi tujuan penyelenggaraan sistem perparitan/sungai di sini.
25. PR-1523-L22664
Datuk Ir. Shahelmey bin Yahya [Putatan] minta **MENTERI PEMBANGUNAN KERAJAAN TEMPATAN** menyatakan tindakan penyelesaian bagi isu harga rumah yang semakin mahal dan tidak mampu milik oleh rakyat di Sabah.
26. PR-1523-L22604
Tuan Wan Ahmad Fayhsal bin Wan Ahmad Kamal [Machang] minta **PERDANA MENTERI** menyatakan status baki projek di bawah Rancangan Malaysia Ke-12 khususnya di Parlimen Machang, sama ada diteruskan, ditangguh atau dibatalkan.
27. PR-1523-L22485
Datuk Suhaimi bin Nasir [Libaran] minta **MENTERI KOMUNIKASI DAN DIGITAL** menyatakan apakah usaha drastik yang telah dilaksanakan oleh Kementerian bagi mengatasi kes salah guna media sosial seperti penyebaran kandungan berunsurkan maklumat palsu dan ucapan berbentuk kebencian.
28. PR-1523-L22184
Tuan Mohd Syahir bin Che Sulaiman [Bachok] minta **PERDANA MENTERI** menyatakan apakah bidang kuasa, had siling dan wewenang yang diberikan kepada YAB Perdana Menteri dan Menteri-Menteri untuk mengumumkan serta meluluskan "projek segera" dan peruntukan khas, sebelum dan sepanjang tempoh kempen pilihan raya.

29. PR-1523-L22657

Datuk Ir. Shahelmey bin Yahya [Putatan] minta **MENTERI LUAR NEGERI** menyatakan perpindahan Jakarta ke Bandaraya Nusantara di Kalimantan akan memberi impak tinggi kepada peningkatan aktiviti ekonomi, keharmonian, pertahanan awam, peralihan demografik, mobiliti dan perkongsian data antara negara-negara yang terlibat. Jelaskan perancangan jangka panjang berkenaan hubungan Malaysia dan Indonesia sempena perpindahan Jakarta ke Kalimantan serta peranan Sabah sebagai Hub Kepulauan Borneo.

30. PR-1523-L21938

Dato' Haji Mohd Suhaimi bin Abdullah [Langkawi] minta **MENTERI KOMUNIKASI DAN DIGITAL** menyatakan apakah usaha penambah baikan Kerajaan untuk mewujudkan ruang industri kreatif negara yang bersepadu dengan penyertaan aktif oleh para penggiat seni tempatan.

31. PR-1523-L21250

Dato Anyi Ngau [Baram] minta **PERDANA MENTERI** menyatakan perancangan Kerajaan Pusat untuk mewujudkan pejabat-pejabat Persekutuan berstatus peringkat daerah di Beluru dan Long Lama yang telah dinaik taraf sebagai daerah penuh serta Mulu, Bario dan Long Bedian yang telah dinaik taraf sebagai daerah kecil oleh Kerajaan Sarawak sejak beberapa tahun lepas.

32. PR-1523-L21730

Kapten Dato' Dr. Zulkafperi bin Hanapi (Bersara) [Tanjong Karang] minta **PERDANA MENTERI** menyatakan kepada Dewan Rakyat yang mulia ini adakah benar Kerajaan sedang bercadang melakukan persempadanan semula dengan kadar segera atas dasar kepentingan politik Kerajaan Madani seperti sedia maklum SPR juga adalah salah sebuah agensi di bawah naungan Jabatan Perdana Menteri yang mampu menjalankan tindakan mengikut kehendak kepimpinan utama semasa.

33. PR-1523-L21504

Tuan Lee Chean Chung [Petaling Jaya] minta **MENTERI PEMBANGUNAN KERAJAAN TEMPATAN** menyatakan kaedah-kaedah pelaksanaan dan sasaran tahunan dari tahun 2021 hingga 2025 untuk peralihan Skim *Rent to Own* (RTO) bagi Program Perumahan Rakyat (PPR) agar golongan yang kurang berkemampuan mampu memiliki rumah di samping Kerajaan menaik taraf sosioekonomi negara.

34. PR-1523-L22045

Dr. Hajah Halimah Ali [Kapar] minta **MENTERI SAINS, TEKNOLOGI DAN INOVASI** menyatakan :

- (a) perancangan Kerajaan untuk menghadapi keperluan meningkat ketara penggunaan *artificial intelligence* sebagai kaedah melonjakkan kemajuan dan kemakmuran; dan
- (b) perancangan jangka panjang dan jangka pendek pihak Kerajaan untuk memastikan kemajuan dan penemuan perubatan (inovasi) khususnya dalam keterjaminan bekalan ubat/vaksin dan peralatan perubatan terutama untuk menghadapi sebarang wabak seperti COVID-19.

35. PR-1523-L21468

Puan Young Syefura binti Othman [Bentong] minta **MENTERI SAINS, TEKNOLOGI DAN INOVASI** menyatakan apakah perancangan Kementerian berkaitan dengan kesinambungan Program Angkasawan Negara yang pernah dilancarkan satu ketika dahulu sehingga melahirkan angkasawan pertama negara pada tahun 2007.

36. PR-1523-L22377

Tuan Zakri bin Hassan [Kangar] minta **MENTERI BELIA DAN SUKAN** menyatakan adakah Pusat Latihan Daerah (PLD) dan Akademi Tunas (AT) di dalam NFDP akan diperluaskan lagi atau akan diperkecilkan lagi pusat-pusat ini.

37. PR-1523-L21477

Puan Young Syefura binti Othman [Bentong] minta **MENTERI KOMUNIKASI DAN DIGITAL** menyatakan apakah kriteria pemilihan penerima geran Dana Kandungan Digital Industri Muzik dan bagaimana Kementerian memainkan peranan untuk merangsang dan menggalakkan penggiat industri seni kreatif yang berkecimpung secara kecil-kecilan dan tidak mempunyai modal yang besar (*indie*).

38. PR-1523-L22622

Dato' Rosol bin Wahid [Hulu Terengganu] minta **MENTERI KOMUNIKASI DAN DIGITAL** menyatakan sejauh mana Kerajaan mengotakan janji memberi hak kebebasan bersuara di kalangan rakyat dan kebebasan media bagi industri media cetak dan elektronik negara.

39. PR-1523-L22076

Datuk Andi Muhammad Suryady bin Bandy [Kalabakan] minta **MENTERI PERDAGANGAN DALAM NEGERI DAN KOS SARA HIDUP** menyatakan apakah pemerkasaan yang diambil berhubung projek "*community drumming*" dan fungsi "*Point of Sales (POS)*" agar tidak berlaku ketirisan subsidi yang menyebabkan kenaikan harga barang khususnya di kawasan kepulauan dan luar bandar.

40. PR-1523-L22457

Tuan Haji Bakri bin Jamaluddin [Tangga Batu] minta **MENTERI PEMBANGUNAN KERAJAAN TEMPATAN** menyatakan usaha-usaha yang telah dan akan dilakukan bagi mempertingkatkan kesedaran rakyat tentang pentingnya melakukan pengasingan sampah mengikut kategori agar proses pelupusan sampah dan kitaran semula lebih berkesan dan selamat kepada penduduk sekitar.

41. PR-1523-L21652

Datuk Seri Haji Jalaluddin bin Haji Alias [Jelebu] minta **MENTERI PERTAHANAN** menyatakan berapa jumlah terkini askar yang ada di Malaysia dan sejauh manakah kesiapsiagaan tentera ini dalam mempertahankan negara jika berlaku sebarang krisis keselamatan pada masa akan datang.

42. PR-1523-L21960

Tuan Fathul Huzir bin Ayob [Gerik] minta **MENTERI PEMBANGUNAN KERAJAAN TEMPATAN** menyatakan untuk memperbanyakkan keperluan rumah kos rendah rakyat di Parlimen Gerik bagi mengimbangi pendapat penduduk terutamanya golongan belia yang bekerja kampung yang rata-ratanya pendapatan yang rendah.

43. PR-1523-L22341

Tuan Jamaludin bin Yahya [Pasir Salak] minta **MENTERI PERTAHANAN** menyatakan apakah langkah proaktif Kementerian dalam memastikan peruntukan kos siling sebanyak RM11.2 bilion bagi lima buah kapal LCS dapat disiapkan seterusnya diserahkan kepada penggunaanya iaitu TLDM memandangkan prospek kejayaan bagi projek ini adalah semakin gelap.

44. PR-1523-L22361

Tuan Ahmad Tarmizi bin Sulaiman [Sik] minta **MENTERI PERTAHANAN** menyatakan kedudukan kewangan dan pelaburan Lembaga Tabung Angkatan Tentera (LTAT) bagi memastikan ia terus komited menjalankan fungsinya sebagai skim simpanan persaraan bekas anggota tentera.

45. PR-1523-L22318

Dato' Dr. Alias bin Razak [Kuala Nerus] minta **MENTERI PEMBANGUNAN KERAJAAN TEMPATAN** menyatakan sehingga kini sejauh mana institusi perbankan menyambut baik Skim Jaminan Kredit Perumahan (SJKP) dalam merealisasikan matlamat Kementerian untuk membantu pekerja ekonomi gig memiliki rumah kediaman sendiri.

46. PR-1523-L22226

Datuk Seri Takiyuddin bin Hassan [Kota Bharu] minta **PERDANA MENTERI** menyatakan :

- (a) bilakah Suruhanjaya Pilihan Raya (SPR) akan memulakan Urusan Kajian Semula Bahagian-bahagian Pilihan Raya yang baharu bagi Semenanjung, Sabah dan Sarawak; dan
- (b) nyatakan prinsip-prinsip yang diambil kira bagi melaksanakan pelaksanaan langkah tersebut.

47. PR-1523-L22333

Dr. Ahmad Fakhruddin bin Fakhrurazi [Kuala Kedah] minta **MENTERI BELIA DAN SUKAN** menyatakan pelan rancangan untuk meningkatkan piawai keselamatan yang melibatkan jenis sukan-sukan ekstrem seperti sukan permotoran dan sebagainya.

48. PR-1523-L22625

Dato' Rosol bin Wahid [Hulu Terengganu] minta **PERDANA MENTERI** menyatakan bilakah Kerajaan akan melaksanakan penubuhan pusat pemindahan sementara (PPS) kekal untuk mangsa bencana terutama di negeri sering dilanda banjir seperti Terengganu dan Kelantan.

49. PR-1523-L21662

Puan Yeo Bee Yin [Puchong] minta **PERDANA MENTERI** menyatakan berapa jumlah yang dibayar oleh Kerajaan kepada Putrajaya Holdings untuk sewaan bangunan-bangunan Kerajaan di Putrajaya setiap tahun. Beri perincian mengikut Kementerian.

PADA PERMULAAN URUSAN MESYUARAT
MENGEMUKAKAN RANG UNDANG-UNDANG KERAJAAN
UNTUK BACAAN KALI YANG PERTAMA

1. **Menteri Sumber Manusia**

- * Rang Undang-Undang Kesatuan Sekerja (Pindaan) 2023.

2. **Menteri Sumber Asli, Alam Sekitar dan Perubahan Iklim**

- * Rang Undang-Undang Kecekapan dan Konservasi Tenaga 2023.

3. **Menteri Sumber Asli, Alam Sekitar dan Perubahan Iklim**

- * Rang Undang-Undang Bekalan Elektrik (Pindaan) 2023.

4. **Menteri Sumber Asli, Alam Sekitar dan Perubahan Iklim**

- * Rang Undang-Undang Suruhanjaya Perkhidmatan Air Negara (Pindaan) 2023.

5. **Menteri Kewangan**

- * Rang Undang-Undang Lembaga Hasil Dalam Negeri Malaysia (Pindaan) 2023

6. **Menteri Kewangan**

- * Rang Undang-Undang Kewangan Awam dan Tanggungjawab Fiskal 2023

* Menandakan bahawa Rang Undang-undang ini akan dibawa pada semua peringkat di mesyuarat ini.

ATURAN URUSAN MESYUARAT DAN USUL-USUL

1. * Penerangan oleh YB Menteri Pertanian dan Keterjaminan Makanan berkenaan isu bekalan Beras Putih Tempatan.
2. * Penerangan oleh YB Menteri Sumber Asli, Alam Sekitar dan Perubahan Iklim berkenaan situasi jerebu yang melanda negara.
3. * Penerangan oleh YB Menteri Pertahanan berkenaan Kumpulan Boustead yang merupakan salah satu anak syarikat di bawah Lembaga Tabung Angkatan Tentera (LTAT).
4. * Penerangan oleh YB Menteri Dalam Negeri berkenaan isu reformasi penjara dan pusat tahanan.
5. (D.R. 23/2023) Rang Undang-Undang Lembaga Hasil Dalam Negeri Malaysia (Pindaan) 2023. **Bacaan Kali Yang Kedua**

[Menteri Kewangan]

6. (D.R. 25/2023) Rang Undang-Undang Kawalan Produk Merokok Demi Kesihatan Awam 2023 – **Bacaan Kali Yang Kedua**

Dan;

Pengerusi Jawatankuasa Pilihan Khas Kesihatan oleh Yang Berhormat Datuk Seri Dr. Dzulkefly bin Ahmad, Ahli Parlimen Kuala Selangor akan mencadangkan :

“**BAHAWA** Penyata yang disiapkan oleh Jawatankuasa Pilihan Khas Kesihatan untuk mengkaji Rang Undang-Undang Kawalan Produk Merokok Demi Kesihatan Awam 2023, yang dibentangkan dalam Majlis ini sebagai Kertas DR. 8 Tahun 2023 diperkenankan mengikut Peraturan Mesyuarat 60”.

7. (D.R. 26/2023) Rang Undang-Undang Makanan (Pindaan) 2023. **Bacaan Kali Yang Kedua**
[Menteri Kesihatan]

* Diikuti dengan Ahli-ahli Yang Berhormat meminta penjelasan dan memberikan pandangan dan diakhiri dengan Yang Berhormat Menteri menjawab isu-isu yang dibangkitkan oleh Ahli-ahli Yang Berhormat.

8. PR-1523-U(27)278

Datuk Seri Ir. Dr. Wee Ka Siong [Ayer Hitam] akan mencadangkan :

"Bahawa Dewan Rakyat ini menggesa Kerajaan untuk segera menangani isu gangguan bekalan beras putih tempatan (BPT) di pasaran yang kian meruncing susulan tindakan India menghentikan eksport beras putihnya ke pasaran.

Langkah penetapan had pembelian maksimum 100kg BPT untuk setiap individu dan syarikat bermula 7 September 2023 hanyalah penyelesaian yang bersifat sementara dan Kerajaan seharusnya mula merangka satu pelan yang lebih tuntas dalam usaha menjamin keterjaminan bekalan beras di Malaysia bagi jangka masa yang panjang.

Kerajaan perlu segera mewujudkan rangka tindakan yang lebih komprehensif bagi mengurangkan impak inflasi makanan global dari terus menghimpit rakyat negara ini khususnya berkaitan beras yang menjadi makanan ruji kita semua."

[Menteri Pertanian dan Keterjaminan Makanan]

9. PR-1523-U(27)279

Datuk Seri Ir. Dr. Wee Ka Siong [Ayer Hitam] akan mencadangkan :

"Bahawa Dewan Rakyat ini menggesa Kerajaan mencari penyelesaian untuk mengurangkan kos pengambilan pekerja asing yang kian melambung tinggi. Kebergantungan majikan tempatan terhadap pekerja asing berbanding pekerja tempatan di negara ini bukanlah perkara asing terutama dalam sektor 3D (*dirty, dangerous and difficult*).

Maka, adalah penting untuk mewujudkan satu dasar yang lebih komprehensif bagi mengurangkan kebergantungan terhadap pekerja asing agar pekerja tempatan diberi keutamaan terlebih dahulu dengan reformasi terhadap ekosistem sektor 3D meliputi kadar gaji, faedah dan sebagainya yang berpadanan dengan risiko pekerjaan perlu diimplementasikan secara berseiringan."

[Menteri Dalam Negeri]

10. PR-1523-U(27)280

Datuk Seri Ir. Dr. Wee Ka Siong [Ayer Hitam] akan mencadangkan :

"Bahawa Dewan Rakyat ini menggesa Kerajaan untuk mewujudkan satu dasar mengutamakan sajian menu buah-buahan tempatan di semua majlis rasmi Kerajaan sebagai galakan dan sokongan kepada pemain industri buah-buahan tempatan serta ke arah membudayakan amalan pemakanan sihat.

Adalah menjadi tanggungjawab Kementerian bagi membantu pengusaha buah-buahan tempatan untuk memasarkan serta mempromosi hasil ladang mereka dan sekali gus meningkatkan pendapatan. Maka melalui sajian menu buah-buahan di kesemua majlis rasmi Kerajaan perlu dibudayakan sepenuhnya sebagai sokongan terhadap industri buah-buahan tempatan.

[Menteri Pertanian dan Keterjaminan Makanan]

11. PR-1523-U(27)281

Dato' Indera Mohd Shahar bin Abdullah [Paya Besar] akan mencadangkan :

"Bahawa Dewan Rakyat menggesa Kerajaan untuk membentangkan perancangan jangka masa panjang yang menyeluruh dalam memastikan Jumlah Kadar Kesuburan (Total Fertility Rate) bagi rakyat Malaysia terus meningkat.

Negara kita telah beralih ke status negara menua pada tahun 2021. Hal ini kerana peratusan penduduk berusia 65 tahun dan ke atas telah mencapai 7% daripada jumlah populasi. Trend ini menunjukkan peningkatan dalam dua tahun lalu pada kadar 0.2 peratus setahun di mana pada tahun 2022 sebanyak 7.2% dan dijangka pada tahun 2023 mencapai 7.4%.

Dalam tempoh dua dekad lagi, negara dijangka beralih kepada negara tua apabila kohort umur yang sama mencapai 14% daripada jumlah populasi. Peralihan ini tentunya memberikan kesan yang paling ketara iaitu kepada penurunan trend populasi pekerja dan produktiviti. Bagi menghadapi cabaran dan dampak negara menua, kita perlu mencari jalan memperlambatkan proses penuaan ini. Proses penuaan ini tidak boleh dihalang atau diberhentikan tetapi kita perlu mempunyai pelan persediaan bagi menghadapi situasi tersebut.

Jika kita teliti jumlah peratusan struktur umur penduduk yang berumur 0-14 tahun berlaku penurunan pada kadar 0.4% bagi 3 tahun iaitu ; tahun 2020 sebanyak 24%, 2021 sebanyak 23.6%, 2022 sebanyak 23.2%, dan 2023 sebanyak 22.6%.

Umum mengetahui negara-negara jiran dan serantau juga menghadapi perkara penurunan bagi jumlah kadar kesuburan, tetapi kadar tersebut agak perlahan penurunannya. Sehubungan itu, objektif kita agar dapat melandaikan graf penurunan ini bagi negara kita.

Persoalan saya, apakah kemampuan hospital Kerajaan dalam meningkatkan kemampuan kesihatan reproduktif. Berapa jumlah Hospital yang menyediakan perkhidmatan IUI dan IVF. Berapa ramai doktor pakar reproduktif masih berkhidmat di hospital Kerajaan. Adakah harga perkhidmatan yang dikenakan mampu diakses oleh rakyat. Berapa jumlah makmal reproduktif.

Dewan Rakyat juga perlu mencadangkan agar Kerajaan menetapkan polisi yang mampan seperti fleksibel waktu bekerja, yuran pusat penjagaan kanak yang mampu bayar, perbanyakkan pusat asuhan ditempat kerja, dan *paternity leave* kepada ibu bapa yang bekerja untuk meringankan bebanan mereka dalam meningkatkan kadar reproduktif rakyat Malaysia. *Population Complexity* ini yang harus kita uruskan dengan penuh keberanian dan semua pihak kena bersama-sama."

[Menteri Pembangunan Wanita, Keluarga dan Masyarakat]

12. PR-1523-U(27)283

Dato' Indera Mohd Shahar bin Abdullah [Paya Besar] akan mencadangkan :

"Bahawa Dewan Rakyat menggesa Kerajaan untuk membentangkan sebuah Kertas Putih Imigresen yang membincangkan tentang kadar atau jumlah sebenar kemasukan pelawat asing ke negara Malaysia.

Perkara ini bertujuan untuk mengetahui pergerakan pelawat asing berkenaan sama ada mereka terus tinggal di Malaysia atau dalam satu tempoh tertentu. Menerusi ini kita akan mengetahui jumlah sebenar populasi rakyat di negara ini melalui pengenalpastian perbezaan antara jumlah Warganegara Malaysia, Jumlah Pelawat Asing yang masuk ke negara kita sebagai pekerja ataupun dengan tujuan melancong.

Hal ini, akan memudahkan Kerajaan untuk merangka dan melaksanakan pelbagai pelan inisiatif mahupun bantuan seperti subsidi bersasar dan lain-lain agar setiap pelaksanaan tersebut dinikmati oleh rakyat di negara kita."

[Menteri Dalam Negeri]

13. PR-1523-U(27)286

Datuk Seri Panglima Madius Tangau [Tuaran] akan mencadangkan :

"Bahawa Dewan ini menerima hakikat bahawa lebih 100,000 calon peperiksaan SPM pada tahun 2022 telah gagal dalam mata pelajaran dan sekaligus gagal mendapat Sijil Pelajaran Malaysia (SPM).

Menerima hakikat juga bahawa kegagalan dalam peperiksaan SPM ini mengakibatkan masa depan yang gelap kepada calon pada purata 70 ribu hingga 100 ribu setahun.

Menerima hakikat bahawa pelajar tercicir ini tidak ada lagi ruang untuk melanjutkan pelajaran maka segolongan pelajar tercicir ini akan menjadi kerugian dalam sumber tenaga kerja negara.

Dan menerima hakikat bahawa matlamat mendidik sebuah generasi pelajar untuk membina dan membangun negara kita telah gagal maka Kerajaan hendaklah mengambil tindakan yang serius terhadap masalah ini.

Maka dengan itu Dewan Yang Mulia ini hendaklah membuat ketetapan agar silibus dan buku-buku teks Subjek Sejarah Tingkatan Satu, Dua, Tiga, Empat dan Tingkatan Lima hendaklah dikaji semula dan sebuah Jawatankuasa Pilihan Khas Parlimen hendaklah ditubuhkan untuk mendapat pandangan daripada setiap lapisan masyarakat daripada seluruh pelusuk negara, dan pada masa yang sama Jemaah Kabinet hendaklah menubuhkan sebuah Jawatankuasa Kabinet Kajian Semula Silibus dan Buku Teks Sejarah yang dianggotai oleh Menteri-Menteri yang mewakili Sabah, Sarawak, Persekutuan Tanah Melayu dan parti-parti politik yang menubuhkan Kerajaan Perpaduan."

[Menteri Pendidikan]

14. PR-1523-U(27)287

Datuk Seri Panglima Madius Tangau [Tuaran] akan mencadangkan :

"Bahawa Dewan ini Menerima hakikat bahawa sebuah Suruhanjaya Siasatan DiRaja yang ditubuhkan oleh Kerajaan suatu ketika dahulu telah berjaya membuat siasatan dan seterusnya telah dibentangkan di Dewan Yang Mulia ini.

Dan menerima hakikat bahawa setelah sekian lama laporan tersebut telah gagal dilaksanakan dan mengakibatkan ketidakpuasan hati sebahagian besar daripada rakyat Malaysia.

Menerima hakikat juga bahawa rakyat tertanya-tanya apakah yang telah terjadi dengan laporan Suruhanjaya Siasatan DiRaja tersebut.

Dan menerima hakikat bahawa kecelaruan urus tadbir Pendatang Tanpa Izin; Penduduk Asing di Sabah yang mempunyai Kad Pengenalan yang meragukan; Peningkatan Bilangan penduduk di Sabah Tanpa Kewarganegaraan ataupun *stateless children* dan kehadiran orang asing yang memegang dokumen IMM13 yang tidak ada halatuju.

Maka Dewan Yang Mulia ini hendaklah membuat ketetapan bahawa sebuah Jawatankuasa Pilihan Khas Parlimen untuk meneliti dan mengkaji semula rekomendasi dan perakuan Laporan Suruhanjaya Siasatan DiRaja Mengenai Pendatang Asing Tanpa Izin untuk merumuskan suatu Road Map penyelesaian tuntas terhadap masalah oleh empat kategori penduduk golongan pendatang asing di Sabah."

[Menteri Dalam Negeri]

15. PR-1523-U(27)290

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa supaya Kerajaan meletakkan sebuah garis panduan untuk sekolah-sekolah bagi pengurusan dana, perbelanjaan, dan juga aktiviti kutipan wang daripada pelajar, ibu-bapa, dan orang ramai. Selain itu, sebuah badan pemantau perlu diwujudkan bagi memastikan garis panduan ini dipatuhi. Ini kerana, kini sudah menjadi sebuah kelaziman untuk pihak-pihak sekolah menganjurkan program-program dan majlis-majlis yang memakan belanja besar, yang menggunakan duit daripada poket pelajar. Sebahagian daripada majlis ini mewajibkan kehadiran, dan sebahagian lainnya adalah secara sukarela. Tetapi harus kita faham, kewujudan jurang ekonomi akan membuatkan wujudnya golongan pelajar yang rasa keciciran sosial disebabkan faktor kewangan keluarga. Ia juga membuat mereka berasa tertekan serta memberi tekanan kepada ibu-bapa, lebih-lebih lagi dalam situasi ekonomi kini. Bukan sahaja untuk majlis, malah sering juga pihak sekolah membuat kutipan wajib bagi pembaharuan infrastruktur, dan kutipan ini kadangkala boleh mencecah ratusan ringgit. Isu ini merupakan sebuah isu yang kurang mendapat perhatian tetapi penting untuk dibawa ke hadapan kerana ia melibatkan sosioekonomi keluarga B40 dan M40 serta kesejahteraan perkembangan minda dan emosi para pelajar yang bakal menjadi teraju negara ini di masa hadapan. Selain itu, dibimbangi jika tiada pemantauan dilakukan, perkara ini akan membuka ruang untuk pihak tertentu mengambil kesempatan."

[Menteri Pendidikan]

16. PR-1523-U(27)291

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa supaya Kerajaan mengambil langkah pro-aktif dalam menangani serta menghentikan kes jenayah dera kanak-kanak di negara ini. Menteri Dalam Negeri pada 14 Mac 2023 melaporkan bahawa terdapat 220 kes kanak-kanak mati akibat penderaan antara tahun 2018 hingga 2022. Data Kementerian Pembangunan Wanita, Keluarga dan Masyarakat antara Januari hingga Jun 2022 juga mendedahkan terdapat 1,055 kes penderaan kanak-kanak di negara ini. Kanak-kanak adalah masa depan negara. Lantaran itu, pihak kerajaan wajar menangani lantas menghentikan kitaran dera ini dengan sebuah target 'Dera Sifar' menerusi langkah-langkah pro-aktif seperti mewajibkan kursus penjagaan anak, mewujudkan sistem pemantauan berkala, meneliti semula undang-undang serta garis panduan berkenaan penjagaan kanak-kanak, meningkatkan kesedaran masyarakat, dan lain-lain."

[Menteri Dalam Negeri]

17. PR-1523-U(27)292

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat menggesa Kerajaan mengambil tindakan yang lebih pro-aktif dan efisien bagi meningkatkan kesedaran, tindak balas, dan kerjasama masyarakat dalam menghadapi bencana alam. Kerajaan telah mengumumkan penubuhan Pusat Bencana Geologi Negara pada akhir tahun ini serta pembangunan Sistem Amaran Awal Tanah Runtuh (SAATR). Inisiatif ini akan dapat meningkatkan kecekapan tindak balas bencana agensi-agensi berkaitan. Bagaimana pula dengan tindak balas masyarakat."

Apa yang telah dan sedang Kerajaan usahakan bagi memastikan rakyat bukan sahaja peka tetapi takut dan patuh kepada arahan yang dikeluarkan oleh pihak berkuasa. Kerajaan perlu menguatkuasakan Akta Pertahanan Awam 1951, Akta 221 bawah seksyen 4 (C) di mana tindakan boleh diambil ke atas mereka yang tidak patuh kepada arahan pihak berkuasa contohnya arahan untuk berpindah dalam situasi banjir yang boleh membahayakan penduduk dan pada masa yang sama memberi risiko kepada penyelamat."

[Perdana Menteri]

18. PR-1523-U(27)293

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa supaya Kerajaan menubuhkan badan siasatan bebas bagi mengenal pasti secara terperinci punca utama yang menyebabkan kekurangan bekalan makanan seperti beras tempatan, ayam dan telur ayam di pasaran serta merangka perancangan penyelesaian jangka pendek dan panjang yang komprehensif termasuk penguatkuasaan terhadap golongan kartel orang tengah serta menambahkan daya pengeluaran bekalan makanan. Rakyat baik dari kalangan pengguna mahupun pengusaha restoran kecil masih mengeluh dengan permasalahan ini yang menyebabkan kenaikan harga bekalan makanan. Kerajaan tidak seharusnya melepaskan tanggungjawab menjaga keterjaminan bekalan makanan kepada individu (sebagai *end user*) mahupun menyarankan penyelesaian jalan mudah seperti menambah import makanan tetapi mencari penyelesaian sepanjang rangkaian jaringan bekalan bahan makanan mentah."

[Menteri Pertanian dan Keterjaminan Makanan]

19. PR-1523-U(27)294

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya mewujudkan pusat benih padi khusus di kawasan utara khususnya di Arau, Perlis bagi membekalkan benih-benih padi yang bermutu tinggi dan membolehkan penyelidikan yang agresif dibuat bagi menghasilkan benih padi baru di samping menyelesaikan masalah ketidakcukupan benih padi di pasaran. Pusat Benih Padi adalah penting untuk mengumpul benih padi yang lebih berdaya komersial, lebih berdaya tahan iklim (*climate resistant*) dan sesuai dengan cuaca di kawasan utara Semenanjung Malaysia. Pusat ini juga boleh berperanan menjalankan kajian di peringkat serantau dan melibatkan penyelidik daripada negara-negara jiran seperti Thailand, Indonesia dan Myanmar yang mempunyai tanaman baka padi yang berdaya komersial tinggi."

[Menteri Pertanian dan Keterjaminan Makanan]

20. PR-1523-U(27)295

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya mengkaji semula peruntukan khas yang boleh diberikan kepada pekebun kecil, penternak dan nelayan yang terjejas akibat situasi iklim yang tidak menentu serta kenaikan harga barang. Kerosakan tanaman dan kematian ternakan seringkali mendatangkan kerugian besar hingga kepada jutaan ringgit setiap kali berlaku bencana alam. Dengan situasi semasa ekonomi negara yang tidak stabil juga secara tidak langsung akan memberi tekanan kepada kos sara hidup pekebun kecil, penternak dan nelayan yang kebanyakannya bergantung harap kepada sumber pendapatan tersebut sahaja. Maka pemberian peruntukan khas ini dapat menambah baik kehidupan mereka."

[Menteri Pertanian dan Keterjaminan Makanan]

21. PR-1523-U(27)296

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya menyegerakan pembinaan dan baik pulih tembok sempadan Malaysia-Thailand supaya merangkumi keseluruhan perbatasan dari Perlis hingga Kelantan dan menyediakan suatu pelan tindakan komprehensif merangkumi semua agensi Kerajaan bagi kawalan sempadan Malaysia-Thailand. Sempadan Malaysia-Thailand adalah sepanjang kira-kira 656km namun hanya 111 km sahaja yang berpagar. Sebahagian tembok sempadan antara Malaysia dan Thailand di sepanjang Laluan Keselamatan dan Pembangunan (KESBAN) dilihat sudah usang manakala peralatan kamera litar tertutup (CCTV) dan alat pengimbas perlu ditambah, dibaik pulih dan dinaik taraf dengan teknologi terkini seperti penggunaan dron. Beberapa insiden pada masa lalu seperti kes tembakan ke atas pasukan keselamatan negara dan bermaharajalelanya sindiket pemerdagangan manusia seperti yang berlaku di insiden Wang Kelian serta penyeludupan barangan termasuk dadah dan senjata menunjukkan betapa kritikalnya keperluan untuk meningkatkan tahap keselamatan di perbatasan. Kerajaan Malaysia sebelum ini telah memberikan komitmen untuk membina tembok sempadan tersebut tetapi sehingga terkini masih tiada pelan pembangunan komprehensif dan terperinci yang diumumkan. Mohon pihak kerajaan memandang serius perkara ini dengan menyegerakan pembangunan tembok sempadan Malaysia-Thailand secara menyeluruh dan memastikan suatu pelan komprehensif merangkumi semua agensi Kerajaan bagi kawalan sempadan Malaysia-Thailand agar benar-benar berkesan menjamin keselamatan perbatasan negara."

[Perdana Menteri]

22. PR-1523-U(27)297

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya agihan peruntukan pembangunan dan pelaksanaan projek pembangunan di peringkat negeri diberikan mengikut keutamaan dan keperluan Kerajaan Negeri. Berdasarkan pelan RMK-12, enam negeri kurang membangun akan terus diberi keutamaan dengan agihan sekurang-kurangnya 50% daripada keseluruhan peruntukan Perbelanjaan Pembangunan Asas Persekutuan. Namun begitu, terdapat beberapa projek yang diluluskan oleh Kerajaan Persekutuan tidak mengambil kira cadangan dan hasrat Kerajaan Negeri khususnya di Perlis untuk mempelbagaikan fungsi sesuatu projek sedangkan Kerajaan Negeri mempunyai dasar serta hala tuju yang telah mengambil kira pelbagai keperluan dan kehendak semasa serta pada masa hadapan. Misalnya, Projek Lencongan Banjir Barat Timah Tasoh yang telah dilaksanakan pada tahun 2015, di mana dalam pembinaan terowong banjir terdapat skop pembinaan pada item pencahayaan di dalam terowong berjumlah RM300 ribu. Namun, skop berkenaan telah dikeluarkan atas alasan penjimatan. JPS Perlis selaku pelaksana projek telah membangkitkan perkara ini supaya dikekalkan atas faktor keselamatan dan memudahkan kerja pemantauan serta penyelenggaraan di dalam terowong di masa hadapan. Akan tetapi, ianya masih tetap dikeluarkan daripada skop asal projek."

[Menteri Ekonomi]

23. PR-1523-U(27)298

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya mengkaji dan merancang satu inisiatif khas bagi memastikan setiap rakyat dan keluarga Malaysia terutamanya dari golongan B40 dan M40 mampu memiliki kediaman pertama dengan menyediakan rumah mampu milik berharga RM200,000 dan ke bawah baik di luar dan di dalam bandar. Kerajaan tidak boleh hanya memperkenalkan inisiatif yang hanya sekadar '*rebranding*' daripada Kerajaan sebelum ini kerana perubahan yang besar perlu dilakukan bagi mendepani kenaikan kos pembinaan disebabkan kenaikan harga barang binaan. Dasar Perumahan Negara (2018-2025) sendiri memperakui bahawa isu kemampuan memiliki rumah semakin ketara di kalangan rakyat dan impak kenaikan harga rumah yang mendadak turut dirasai golongan M40 selain B40. Inisiatif khas untuk menyediakan kemudahan rumah pertama pada harga di bawah RM200,000 dan ke bawah ini hendaklah dijadikan salah satu sasaran kajian semula Dasar Perumahan Negara dan memerlukan input dari pelbagai Agensi dan Kementerian serta pihak bukan Kerajaan dan bukan dari satu Kementerian sahaja. Isu kemampuan memiliki rumah pertama jika tidak ditangani akan mewujudkan generasi rakyat yang sentiasa menyewa tanpa mendapat peluang memiliki perumahan sendiri. Golongan generasi ini juga akan terus menjadi mangsa kepada harga hartanah yang melambung akibat spekulasi hartanah dan tanpa kawalan harga sehingga menjadikan harga di luar kemampuan sebenar golongan M40 dan B40."

[Perdana Menteri]

24. PR-1523-U(27)299

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan melaksanakan segera projek-projek tebatan banjir di seluruh negara untuk memastikan projek ini dilaksanakan secara holistik dan dapat mencari jalan penyelesaian kepada isu banjir yang semakin meruncing akibat kesan perubahan iklim dan pembangunan yang tidak mesra alam. Antara projek yang perlu dilaksanakan segera adalah seperti Projek Pembangunan Sungai Bersepadu (PLSB) Sungai Golok (KESBAN) dan Sungai Kelantan. Dengan pembinaan projek tersebut, risiko banjir besar dapat dikurangkan. Di samping itu, projek tebatan banjir di Selangor khususnya di Shah Alam dan bandar Kuala Lumpur juga diharapkan dapat dilaksanakan dengan komprehensif agar dapat menangani masalah banjir kilat."

[Menteri Sumber Asli, Alam Sekitar dan Perubahan Iklim]

25. PR-1523-U(27)300

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa supaya Kerajaan melaksanakan satu perancangan persediaan dan pengurusan risiko bagi menghadapi bencana alam dapat disemak semula akibat impak perubahan iklim yang sangat drastik sejak kebelakangan ini. Hal ini demikian kerana perancangan rapi penting bagi memastikan tahap kesiapsiagaan anggota terlibat berada di tahap yang tinggi. Di samping itu, Kerajaan juga perlu merencana satu langkah holistik bagi mendidik masyarakat agar bersiaga untuk menghadapi bencana alam kerana kesedaran terhadap isu ini di dalam kalangan masyarakat masih berada di tahap yang rendah berdasarkan peristiwa bencana alam yang lepas."

[Perdana Menteri]

26. PR-1523-U(27)301

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya membentuk satu pasukan petugas khas bagi memberi perhatian terhadap isu pencerobohan sempadan yang berlaku di Sabah dan Sarawak. Seperti di ketahui, Sabah dan Sarawak pula berkongsi sempadan darat sejauh 2,019.5km dengan Kalimantan, Indonesia. Daratan Negara Brunei Darussalam dibatasi sepenuhnya oleh Sarawak sepanjang 481.3km. Kebanyakan kawasan perbatasan Malaysia bersama negara-negara jirannya terletak di kawasan perbukitan yang diliputi hutan tebal dan kawasan perairan laut menyebabkan kawalan terhadap kawasan-kawasan ini sulit dilakukan. Oleh sebab itu, masalah pencerobohan, penyeludupan, pemerdagangan manusia dan perdagangan narkotik

adalah antara isu yang saban tahun masih berlaku dan sukar ditumpaskan. Dengan siapnya Lebuhraya Sematan – Telok Melano juga baru-baru ini secara tidak langsungnya meningkatkan risiko pencerobohan sempadan sama ada melalui darat dan laut terutamanya melalui Taman Negara Tanjong Datu. Oleh hal yang demikian, tindakan segera Kerajaan bagi mencari solusi terbaik kepada masalah kawalan sempadan ini adalah amat diharapkan."

[Menteri Dalam Negeri]

27. PR-1523-U(27)302

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya melaksanakan tindakan kawalan yang lebih ketat berkenaan jualan arak. Garis panduan yang khusus perlu dikaji dan diwujudkan oleh Kerajaan bagi mengawal penjualan arak yang meliputi waktu dan tempat jualan arak yang seragam dan boleh diguna pakai di seluruh negara bagi tujuan mengelakkan masalah sosial yang sering timbul seperti masalah rumah tangga dan kemalangan jalan raya. Oleh yang demikian, keseragaman tindakan daripada Kementerian Kewangan dan Pihak Berkuasa Tempatan (PBT) adalah amat diperlukan sekiranya ingin melaksanakan tindakan kawalan yang lebih ketat terhadap jualan arak kerana ketika ini ketidakseragaman tindakan antara dua entiti ini menjadi antara punca kawalan jualan arak tidak dapat dilaksanakan secara efektif dan efisien."

[Menteri Kewangan]

28. PR-1523-U(27)303

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan bersikap adil dalam mengamalkan kebebasan media di Malaysia. Kerajaan tidak seharusnya menjadikan Suruhanjaya Komunikasi Multimedia Malaysia (SKMM) sebagai alat politik untuk menyekat mana-mana isi kandungan media yang tidak 'pro' Kerajaan atau tidak sependapat dengan Kerajaan. YAB Perdana Menteri yang memerintah Kerajaan pada masa ini telah berikrar dalam manifestonya untuk memastikan hak kebebasan bersuara dan melindungi kebebasan media. Namun, keadaan sebaliknya berlaku selepas beberapa bulan beliau membentuk Kerajaan. Lebih mendukacitakan, kebebasan media yang diwar-warkan Kerajaan hanyalah terhad kepada 'pro' Kerajaan sahaja, manakala parti pembangkang secara halus dikenakan sekatan kepada akses media. Mana-mana media rasmi Kerajaan mahupun swasta tidak diberi kebenaran untuk menyiarkan berita mengenai parti pembangkang mahupun pihak yang menentang Kerajaan. Oleh demikian, Kerajaan digesa supaya berlaku adil dalam menyalurkan maklumat kepada rakyat. Tindakan ini adalah penting untuk memastikan hak kebebasan media tidak dicabul sewenang-wenangnya oleh pihak-pihak tertentu."

[Menteri Komunikasi dan Digital]

29. PR-1523-U(27)304

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya menyediakan perancangan, peruntukan dan prasarana kepada pelajar-pelajar universiti, kolej, STPM dan SPM bagi menghadapi kaedah pembelajaran alaf baru seperti pembelajaran dalam talian dan menggunakan media elektronik. Ini bagi membolehkan dan mendedahkan mereka ke alam teknologi siber dan e-pembelajaran yang semakin berkembang yang seterusnya memerlukan guru-guru yang terlatih dalam pendidikan alaf baru."

[Menteri Pendidikan]

30. PR-1523-U(27)305

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan mengkaji semula kawasan keluar dan masuk sempadan Malaysia-Thailand di Wang Kelian, Perlis. Sebelum ini, penduduk kedua-dua negara boleh menikmati kemudahan bergerak sehingga dua kilometer tanpa menggunakan pasport atau pas sempadan pada hari minggu. Kuatkuasa itu pernah dibuat bermula tahun 1993 hingga 2015. Akan tetapi, penarikan semula kemudahan kebebasan bergerak ini telah dibuat pada tahun 2015 kerana penemuan rangka manusia mangsa sindiket pemerdagangan manusia yang dipercayai etnik Rohingya. Susulan itu, Wang Kelian menjadi pekan mati hingga kini. Kerajaan Negeri Perlis cuba membangunkan semula kawasan pelancongan di Wang Kelian, namun ianya tidak semeriah dahulu. Justeru itu, Kerajaan diharapkan dapat mengkaji dan mempertimbangkan semula untuk memberi kemudahan bergerak di antara kedua-dua negara seperti sebelum ini. Dengan kemudahan tersebut, ianya akan dapat menjana semula perkembangan ekonomi khususnya buat penduduk tempatan yang sebelum ini amat rancak sebelum ditutup sepenuhnya pada tahun 2015. Semasa adanya '*Free Flow*' ini, Wang Kelian merupakan satu destinasi pelancongan yang amat meriah dan telah memberi ruang kepada peniaga-peniaga kecil di Perlis dan juga Selatan Thailand menambahkan pendapatan mereka."

[Menteri Dalam Negeri]

**RISALAT-RISALAT YANG DIBAWA KE DALAM MESYUARAT
(DEWAN RAKYAT)**

<u>TAHUN</u> <u>2023</u>	<u>RISALAT/DOKUMEN</u>	<u>TARIKH</u> <u>DIBENTANGKAN</u>
DR. 6	Laporan Jawatankuasa Kira-Kira Wang Negara (PAC) Laporan Kemajuan Projek Pembangunan Kapal Peronda Generasi Kedua – Littoral Combat Ship (LCS) Tentera Laut Diraja Malaysia (TLDM) Di Bawah Kementerian Petahanan Malaysia (MINDEF) Bagi Tempoh Oktober 2022 Hingga Mei 2023	9 Oktober 2023
DR. 8	Penyata Jawatankuasa Pilihan Khas Kesihatan Rang Undang-Undang Kawalan Produk Merokok Demi Kesihatan Awam 2023.	9 Oktober 2023
ST. 155	AKTA MAHKAMAH KEHAKIMAN 1964 AKTA KAEDAH-KAEDAH MAHKAMAH RENDAH 1955 Kaedah-Kaedah Mahkamah (Pindaan) 2023 P.U. (A) 229/2023 diwartakan pada 31 Julai 2023	9 Oktober 2023
ST. 156	AKTA MAHKAMAH KEHAKIMAN 1964 Kaedah-Kaedah Mahkamah Rayuan (Pindaan) 2023 P.U. (A) 228/2023 diwartakan pada 31 Julai 2023	9 Oktober 2023
ST. 157	AKTA JALAN PERSEKUTUAN 1959 Perintah Jalan Persekutuan (Skim Felda) (Pindaan) 2023 P.U. (A) 17/2023 diwartakan pada 18 Januari 2023	9 Oktober 2023
ST. 158	AKTA JALAN PERSEKUTUAN 1959 Perintah Jalan Persekutuan (Malaysia Barat) (Pindaan) 2023 P.U. (A) 37/2023 diwartakan pada 10 Februari 2023	9 Oktober 2023
ST. 159	AKTA JALAN PERSEKUTUAN 1959 Perintah Jalan Persekutuan (Skim Felda) (Pindaan) (No. 2) 2023 P.U. (A) 39/2023 diwartakan pada 13 Februari 2023	9 Oktober 2023
ST. 160	AKTA JALAN PERSEKUTUAN 1959 Perintah Jalan Persekutuan (Skim Felda) (Pindaan) (No. 3) 2023 P.U. (A) 79/2023 diwartakan pada 30 Mac 2023	9 Oktober 2023

<u>TAHUN</u> <u>2023</u>	<u>RISALAT/DOKUMEN</u>	<u>TARIKH</u> <u>DIBENTANGKAN</u>
ST. 161	AKTA JALAN PERSEKUTUAN 1959 Perintah Jalan Persekutuan (Malaysia Barat) (Pindaan) (No. 2) 2023 P.U. (A) 83/2023 diwartakan pada 30 Mac 2023	9 Oktober 2023
ST. 162	AKTA JALAN PERSEKUTUAN 1959 Perintah Jalan Persekutuan (Malaysia Barat) (Pindaan) (No. 3) 2023 P.U. (A) 84/2023 diwartakan pada 30 Mac 2023	9 Oktober 2023
ST. 163	AKTA JALAN PERSEKUTUAN 1959 Perintah Jalan Persekutuan (Malaysia Barat) (Pindaan) (No. 4) 2023 P.U. (A) 151/2022 diwartakan pada 12 Mei 2023	9 Oktober 2023
ST. 164	AKTA JALAN PERSEKUTUAN 1959 Perintah Jalan Persekutuan (Malaysia Barat) (Pindaan) (No. 5) 2023 P.U. (A) 161/2022 diwartakan pada 26 Mei 2023	9 Oktober 2023
ST. 165	AKTA JALAN PERSEKUTUAN 1959 Perintah Jalan Persekutuan (Malaysia Barat) (Pindaan) (No. 6) 2023 P.U. (A) 162/2022 diwartakan pada 26 Mei 2023	9 Oktober 2023
ST. 166	AKTA JALAN PERSEKUTUAN 1959 Perintah Jalan Persekutuan (Malaysia Barat) (Pindaan) (No. 7) 2023 P.U. (A) 163/2022 diwartakan pada 29 Mei 2023	9 Oktober 2023
ST. 167	AKTA JALAN PERSEKUTUAN 1959 Perintah Jalan Persekutuan (Malaysia Barat) (Pindaan) (No. 8) 2023 P.U. (A) 164/2023 diwartakan pada 29 Mei 2023	9 Oktober 2023
ST. 168	AKTA JALAN PERSEKUTUAN 1959 Perintah Jalan Persekutuan (Malaysia Barat) (Pindaan) (No. 9) 2023 P.U. (A) 187/2023 diwartakan pada 20 Jun 2023	9 Oktober 2023

<u>TAHUN</u> <u>2023</u>	<u>RISALAT/DOKUMEN</u>	<u>TARIKH</u> <u>DIBENTANGKAN</u>
ST. 169	AKTA JALAN PERSEKUTUAN 1959 Perintah Jalan Persekutuan (Sarawak) (Pindaan) 2023 P.U. (A) 204/2023 diwartakan pada 6 Julai 2023	9 Oktober 2023
ST. 170	AKTA JALAN PERSEKUTUAN 1959 Perintah Jalan Persekutuan (Malaysia Barat) (Pindaan) (No. 10) 2023 P.U. (A) 212/2023 diwartakan pada 13 Julai 2023	9 Oktober 2023
ST. 171	AKTA JALAN PERSEKUTUAN 1959 Perintah Jalan Persekutuan (Sarawak) (Pindaan) (No.2) 2023 P.U. (A) 226/2023 diwartakan pada 28 Julai 2023	9 Oktober 2023
ST. 172	AKTA JALAN PERSEKUTUAN 1959 Perintah Jalan Persekutuan (Malaysia Barat) (Pindaan) (No. 11) 2023 P.U. (A) 232/2023 diwartakan pada 3 Ogos 2023	9 Oktober 2023
ST. 173	AKTA JALAN PERSEKUTUAN 1959 Perintah Jalan Persekutuan (Skim Felda) (Pindaan) (No. 4) 2023 P.U. (A) 267/2023 diwartakan pada 5 September 2023	9 Oktober 2023

****UCAPAN-UCAPAN**
(PERATURAN MESYUARAT 17)
(KAMAR KHAS)

Tarikh Ucapan	Ahli Yang Berucap	Tajuk Ucapan	Menteri Yang Bertanggungjawab
1. 09.10.2023 (Isnin)	1. YB Dato' Indera Mohd Shahar bin Abdullah (Paya Besar)	1. Cadangan Mewujudkan Hospital Kerajaan di Parlimen Paya Besar	1. YB Menteri Kesihatan
2. 09.10.2023 (Isnin)	2. YB Dato' Indera Mohd Shahar bin Abdullah (Paya Besar)	2. Status Projek Pembinaan Akademi Kecemerlangan Sukan Dron Negara (AKSADRON) Kuantan, Pahang	2. YB Menteri Kewangan
3. 09.10.2023 (Isnin)	3. YB Tuan Muhammad Ismi bin Mat Taib (Parit)	3. Keperluan Kompleks Sukan di Parlimen Parit	3. YB Menteri Belia dan Sukan
4. 09.10.2023 (Isnin)	4. YB Tuan Muhammad Ismi bin Mat Taib (Parit)	4. Pembinaan Semula Masjid dalam Kawasan Parlimen Parit	4. YB Menteri di Jabatan Perdana Menteri

**** Ucapan Di Bawah Usul Berkenaan Perkara Tadbir Kerajaan (Peraturan Mesyuarat 17)**